

სამეურნეო ჟურნალი

გოგსაპალი

(იბეჭდება ორ კვირაში ერთხელ)

ჟურნალის თასი წელიწადში 3 მან. || რედაქცია: კავკასიის სამეურ. საზოგადოება
თითო ნომერი ხელზე გასასყიდად 10 კაპ. || ადრესი: Тифлисъ, Варягинская, № 5.

წელიწადი მთლიანად

1910 წელიწადი.—14 თებერვალი.—№ 4.

ზინაარსი

ვ. რცხილაძე	რა მდგომარეობაშია დღეს იმერეთის მევენახეობა	3
ვ. ახოშვილი	მსხადი და ვაშლი	4
ს. ხუნდაძე	ვაზის გასხვლა	7
გ. ნახუცრიშვილი	გლეხთა ამხანაგობა თინდიანდაში	9
გ. ცხადაძე	შინაური ცხოველების ავადმყოფობა და ექიმობა	11
ვ. გულბათიშვილი	როგორ ზრუნავენ და სარგებლობენ შინაური საქან- ლით ჩვენში, რუსეთში და სხვაგან	12

საყურადღებო ცნობები:

ნ. კეთილაძე	კითხვა—ზასუხი	15
გ. ცხადაძე	მუხლუხოს შესახებ	—
განცხადებანი		16

F 11620

სამეურნეო ჟურნალი მოსავალი

(იბეჭდება ორ კვირაში ერთხელ)

წასულ წელს ჟურნალში დაიბეჭდა წერილები შემდეგი პირებისა. —
პ. აკერკინისა, ა. აფხაზისა, აგრიკოლისი, ვ. ანაშვილისა, ვ. ანლაძისი ლ. გოგნივეისა, გ.
გულბათიშვილისა, დ. გურაძისა, ე. დედაბრიშვილისა, ელენი, ზ. ედილაშვილისა,
მ. ზაალიშვილისა, ა. თამაშვილისა, ე. იოსელიანისა, დ. კანჩიერისა, ე. კარბელაშვილისა, პ.
ლორთქიფანიძისი, დ. მდივანისა, ს. მგალობლიშვილისა, მ. მაღალაშვილისა, ნ. მაკარა-
შვილისა, ვ. შქედლიშვილისა, მ. მამულაშვილისა, გ. ნახუცრიშვილისა, ც. ნ., ი. პა-
ცაშვილისა, ვ. რეზინაძისი, მ. სემიონოვისა, პ. როფ. ა. ფორტუნაგოვისა, ვ. შ—ელისა,
ი. წინამძღვარიშვილისა, ს. ხუნდაძისი, ე. სრამელაშვილისა, მ. ჯანაშვილისა, ი. ჯორ-
ჯაძისი და რამდენიმე წერილი სელმოუწერილი.

რედაქცია მოელის სხვებიდანაც თანამშრომლობის სურვილის გამოცხადებას.

რედაქციასთან ტერმინების შესამუშავებლად არსებობს კოლეგია, რომლის კომ-
პეტენცია რედაქციას სავალდებულოა აქვს თავისთვის მიღებული იმ იმედით, რომ
გარემოება იგი ერთის მხრით გამბედაობასა და სიმშვიდეს მისცემს შრომაში ყველა
იმათ, ვინც ქალაქ გარედ სცხოვრობენ და არ შეუძლიანთ რედაქციასთან პირისპირ
შეთანხმება რომელიმე ტერმინის ხმარების შესახებ, და მეორეს (ხრით მისცემს ქარ-
თულს ენას მეცნიერებათა ყველა დარგში გარკვეულ სახიერებას.

კოლეგიაში ჯერხანობით მოწვეულ არიან: გოგებაშვილი ი., სარაჯიშვი-
ლი ა., ჯანაშვილი მ., თაყაიშვილი ე., იოსელიანი ე., გულისაშვილი შ., ყიფშიძე გ.,
ჯაბაძე ი., კარიჭაშვილი დ., ბილანაშვილი შ., დედაბრიშვილი შ., დამბაშიძე ვ.,
აღლაძე ი., გულისაშვილი მ.

თანამშრომელთა სახურადლეობა.

ჟურნალის შემოსავლიდან გაისტუმრება ხარჯი სტამბისა და კანცელარიისა, და-
ნარჩენი (თუ რამე დარჩა) წლის დამლევს დაურიგდებათ თანამშრომლებს პროპორ-
ციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეა-
მოკლოს. წერილები და კორექსონდენციები, რომელნიც არ დაიბეჭდებიან, არც შე-
ინახებიან დასაბრუნებლად.

რედაქცია მზათ არის აღმოუჩინოს „მოსავლის“ მკითხველებს ყოველ გვარი
შუამავლობა სამეურნეო იარაღებისა და მაშინების და აგრედვე ყველა სამეურნეო
ნაწარმოების შექენა-გასაღებაში.

განცხადებები დაიბეჭდება მხოლოდ უკანასკნელ გვერდზე. ჩვეულებრივი სტრი-
ქონი (ვენური ან აკადემიური ასოთი) განცხადებისა ღირს ორი შაური.
წლიურ აბონემენტებისათვის განცხადების ფასი რედაქციასთან შეთანხმებით.
განცხადების ფასი წინდაწინვე უნდა იყოს წარმოდგენილი.

წლის დამლევს ხელისმომწეროებს საჩუქრად დაეგზავნებათ რჩეული თეს-
ლეულობა სხვადასხვა სამეურნეო მცენარეთა საუკეთესო ჯიშებისა.

აგრედვე, თუ შეძლება ექნება რედაქციას, ჟურნალის ხელისმომწეროებს გაუგ-
ზავნის უფასოდ დამატება-ბროშურას მეურნეობის რომელიმე დარგის შესახებ.

ჟურნალი წელიწადში ღირს 3 მანეთი.

რედაქციის ადრესი: Тифлисъ, Барятинская, 5. «МОСАВАЛИ».

რედაქტორ-გამომცემელი პ. ი. რეზინაძე



რა მდგომარეობაშია დღეს იმერეთის შეკვანახება

მას შემდეგ რაც იმერეთში ფილოქსერიისაგან ამოვარდნილი ვენახები ხელშეორედ გააშენეს—სწერს საქარის სანერგეს უფროსი ბ-ნი გორაევი—ვენახებს სრულიად სხვა სანახაობა და მნიშვნელობა მიეცა აქ. ეხლა ყოველი ახლად გაშენებული ვენახი ორპირად არის 12 ვერშოკზე დაბარული; ვაზი ახალშენში ერთი წლის ნახარები ნამყენი ირგვება მწკვრივად ხან 2 არშინზე, ხან 2 არშინ და 6 ვერშოკზე ერთერთმანეთიდან; ვაზის ჩაყრის დროს ნიადაგს უსათუოდ აპატივებენ ძველი ნეხვით; ნამყენსა რგავენ ისე რომ ნამყნობი ადგილი მიწის ზედა პირიდან 1 ვერშოკზეა მაღლა დარჩენილი; ნამყენის რომ არ გახმეს, გარეშემო შემოუყრიან მიწას ისე რომ ნამყნობი ადგილი შემოკოკებულ მიწაში იყოს ჩამალული; ამ მიწას, ზაფხული რო გავა, მხოლოდ მაშინ გადაშლიან. მთელი ზაფხულის განმავლობაში ახალშენს მარგლავენ, თოხნიან, სწამლობენ.

მეორე წელს გასხლავენ ორ კვირტზე და შეუდგავენ სარს მუხისას, წაბლისას, თეთრი აკაციისას. სარი უფრო ხშირად დახეთქილი იხმარება, სისქით 1 ვერშოკი და 3¹/₂—4 ვერშოკი სიმაღლით.

მესამე წელიწადს ვაზს დააყენებენ 1¹/₄ არშინის სიმაღლეზე და გასხლავენ ორ კვირტზე.

მეოთხე წელიწადს ვაზს მისცემენ ნექს ორ კვირტზე გადაჭრილს და საკავებელს, რომელსაც იმ წელსვე დაა-

კავენ. თუ ვაზი თამამია, საკავებელს 2—4 მისცემენ. ხანდისხან იმის მაგიერ რომ საკავებელი თავის სარზე დააკაონ, გადებულ ხარისზე გააწვენენ გაშლით და მიაკრავენ ხოლმე ზედ. მთელი ზაფხულის განმავლობაში ვენახს რამდენჯერმე გაფურჩქნიან და მკათათვეში გაუაკვეცავენ. შაბიამნით ყველა სწამლობს, ხოლო გოგირდით წამლობას იმოდენა მნიშვნელობას არ აძლევენ, ზოგი ხან ერთხელაც არ შეაყრის გოგირდს. საზოგადოდ კარგი მოვლა აქვს აქაურ ვენახებს, მაგრამ სასურველია უფრო უკეთ მოუარონ.

ცნობები იმის შესახებ თუ რა გამოსავალი აქვს ადგილობრივ ვაზების თითოეულ ჯიშს ან როგორი ღირსების ღვინოს იძლევიან, არა მაქვს შეკრებილი. ქვემოთ მოვიყვან მხოლოდ რაც საქარის სანერგეს გამოუკვლევიან.

1900 წელს საქარის სანერგეს სულ ცხრა ნაჭერი ვენახი ჰქონდა ქუთაისის, შორაპნის და სენაკის მაზრებში. ამ წელს მოსავალს თითო დესეტინაზე უწევია 1179 ფუთამდე, არგვეთში—2182 ფუთამდე. რასაკვირველია, ასეთი მოსავალი ჩვეულებრივი არ არის, ბევრით აღემატება საშუალო მოსავალს, მაგრამ იგი მაინც გვიჩვენებს აქაური მიწაწყალი რამდენად ხელშემწყობია მევენახეობისა.

საქარის სანერგეს გამოკვლევით ოთხი წლის (1905—1908) განმავლობაში



სხვადასხვა ჯიში ვაჭებიდან ასეთი მოსავალი გამოსულა საშუალოდ:

ჯიში	შაქარი 0/0/0		სიმკვავე 0/0/0	გამოვიდა დესტინაზე ფუთი.
	საშუალო.	უმეტესი.		
კრახუნა...	22,5	23,6	8,69	633
ციცქა...	20,4	21,2	10,47	764
ცოლიკაური	22,2	23,4	10,97	280
მადლარი...	20,6	21,6	12,80	336
სემილიონი	20,0	23,6	7,87	536
რისდინგი.	19,2	19,9	8,40	415
ზანტი...	17,5	18,3	8,87	1180
კახუნე...	20,7	22,1	8,28	267

ქუთაისის გუბერნიაში 1908 წელს ითვლებოდა ვენახები და გამოსავალი ჰქონდათ ამ ვენახებს:

მაზრა	რამდენი დეს. ვენახი იყო			რამდენი ვედრა ღვინო გამოვიდა
	ნამყენი	უმყენი	ამერსანერ	
ქუთაისისა.	4389	4640	60	917,100
შორაპნის.	6100	6950	65	1,347,500
სენაკის...	250	79	52	28,950
ზუგდიდის.	26	26	5	6,750
ოზურგე...	150	5026	24	— —
ჭაჭა...	50	1776	3	106,731
ჯეხუმი.	35	1483	2	88,328

თუმცა საქარის ვენახები, როგორც დაცემული ადგილები, დაბალ სავენახე ადგილებს წარმოადგენენ, ამბობს ბნი გორაევი, მაგრამ ღვინო აქ მაინც იმდენად გემრიელი დგება, რომ მყიდველი წლითი-წლობით მატულობს და დღეს უკვე იმოდენია მათი რიცხვი რომ საქარის ვენახების გამოსავალი აღარა ჰყოფნით.

ვ. რცხილაძე

მსხალი და ვაჭლი

(გაგრძელება)

ნავალი ხეხილების გასაშენებლად ჯერ უნდა ადგილი აირჩეს. ყურადღება უნდა მიექცეოდეს ადგილის მდებარეობას და ნიადაგის ავკარგიანობას.

მდებარეობით ადგილი უნდა ყუდრო იყოს, ესე იგი მზე უნდა ედგეს დიდხანს და მოფარებული უნდა იყოს ქარსაც და ჩრდილოეთის სიცივესაც. თუ საფარი არა აქვს, ჩვენ უნდა ვიზრუნოთ მასზე. შეიძლება, მაგალითად, წყალი თუა, წნორი, ტირიფი ან კანდარი ჩაურთოთ ქარის მხრივ. ღამით გაციებულ, გაყინულ მცენარეს თუ დილით, სანამ მოთბება, მზის სხივი მაშინვე მოადგა, მცენარე იჩაგრება. ამიტომ ხეხილის ბაღი ჩრდილოეთ-აღმოსავლეთიდან მოფარებით უნდა იყოს და დასავლეთ-სამხრეთისაკენ იყურებოდეს,

რომ რაც შეიძლება მეტი სითბოსინათლე ხვდებოდეს მზისა.

ნიადაგი უნდა იყოს მხურვალი, ესე იგი უნდა იყოს თიხნარი და ბლომათერიოს ქვიშა და კირი.

თუ ერთ არშინზე ან უფრო ნაკლებზე წყალი ამოვიდა, ნიადაგი არ ივარგებს ბალისათვის, რადგან ზომავზე მეტად ნესტიანი და ცივი ნიადაგი სხავრავს ხეხილს.

თუ ნიადაგის წყალი ნ—ნ არშინის სიღრმეზეა, მაშინ ნიადაგს ნესტი საკმარისი არ ექნება და ხეხილი ურწყავათ არ გამოდგება.

სისქე ნიადაგს ერთ არშინზე მაინც ნაკლები არ უნდა ქონდეს; რაც მეტი სისქე ექნება, სჯობია.

ნაგალა ხეხილის ბაღს უნდა გარეშემო მალალი და მაგარი ღობე ჰქონდეს, რადგან ნაგალა ხეხილის გაკიწვა უფრო ადვილია ქურდისათვის.

ნიადაგის დამუშავება. ბაღის გასაშენებელი ადგილი უნდა ორპირად დაიბაროს პირადებით, რომ ნიადაგს ზევითი პირი ქვევით მოეგცეს და ქვევითი ზემოთ.

მართალია, პირადებით დაბარვა მეტ ხარჯს გამოიწვევს, მაგრამ არც იმდენს, რომ ორმოების ამოთხრა ვარჩიოთ ორპირად დაბარვას. ჯერ ერთი რომ ორმოებ შუა, თუ 3—4 არშინის მოშორებით დავრგავთ ხეხილს ერთი ერთმანეთიდან, ბევრი აღარა დარჩება რა დასაბარი. მეორე, უფრო საყურადღებო, მიზეზი ნიადაგის პირადებით გადმობრუნებისა ის არის რომ ხეხილი ორმოში ადვილად იზრდის ფესვებსაც და ტანსაც მხოლოდ პირველ 2—3 წელს, ვიდრე ორმოს სიფართოვე ეყოფათ ფესვებს, მერე კი როცა მათ გაშლა-გაწევა დასჭირდებათ განზე, ორმოს კედლები გაძევილ-გამაგრებულნი ვინ იცის რამდენ ხნიდან ისე ადვილად აღარ გაატარებენ ფესვებს შორს ნიადაგში და მცენარის ზრდა ფერხდება.

სასუქი. რადგან ჩვენა გვსურს რომ ნაგალა ხეხილებს ნაყოფი ბლომათ ესხას და მალალი ღირსებისაც, ამიტომ არ უნდა დავერიდნეთ იმ მცირედ ხარჯს, რომელიც ადგილის გაბატონებას დასჭირდება. საუკეთესო სასუქი ნაგალა ხეხილებისათვის არის საქონლის ნეხვი.

ნეხვი უნდა შემოდგომითვე გაიფინოს ბაღში და პატარაზე ჩაიბარნოს ან ჩაითოხნოს. ახალ ნეხვს ძველი, დაწვარი ნეხვი სჯობია სასუქად. თუ ფრი-

ნეელების სკლინტს გადურევთ ძროხის ნეხვს, უფრო კარგი.

ნაგალა ხეხილებს ძალიანა რგებს აგრეთვე კირიც. გამქრალი ანუ წყალდასხმული კირი უნდა დაიფხვნას, გაცხადეს, გადერიოს მიწა და ისე მოიყაროს ბაღში. კირს წყალ-დაუსხმელსაც ხმარობენ სასუქად. ეს უკანასკნელი უფრო მძიმედ იჩენს თავის ზედმოქმედებას, ესე იგი მძიმედ იშლება და ამიტომ მეტ ხანს ჰყოფნის.

არანაკლებ სიკეთეს აძლევს ხეხილის ბაღს კომპოსტი *). ხელოვნურ სასუქებში სამჯობინარნი არიან კაინიტი და ტომასშლაკი. პირველი ჰშველის ხეხილს ტანის აყრაში, ამაგრებს ხის ცილას; მეორე კი ჰმატებს სხმოიარობას და აძლევს ნაყოფს უკეთეს ფერსა და გემოს.

ხშირად ხეხილები ხან ნესტის მიზეზით, ხან დამშევით ქლოროზით (სიყვითლით) ხდებიან ავად: უყვითლდებათ (ხან უთეთრდებათ) ფოთოლი, ნაყოფი იკრუნჩხება და სცივია. ამისთანა შემთხვევაში ავადმყოფი ხის გარეშემო 2—3 გირვანქა რკინის შაბიამანი გახსნილი წყალში უნდა დავახათ და მცენარე 10 დღის განმავლობაში გამობრუნდება: ფოთოლიც გაუმწვანდება და ნაყოფიც გამოკეთდება.

ბაღის დაპლანვა. ორპირად გადამბრუნებული ადგილი ჯერ უნდა ხეხილის ჩაყრამდე დაიპლანოს. დაპლანვა ასე ხდება: ჯერ დანიშნავენ აღმა-დაღმა და გარდი-გარდმო გზებს, ამ გზებით მთელი ადგილი ცალკე კარომებათ დაიყოფა; შემდეგ თითოეულ კო-

*) იხ. წარსული წლის „მოსავალი“ №№ 7, 11, 12.

რომს კვლებათ დაჰყოფენ და კვლებზე, კიდე რიგებს ჩააწლებენ ხეხილების ჩასარიგებლად. რამოდენა მანძილი უნდა იყოს ხიდან ხემდე ან რიგიდან რიგამდე ეს წინათვე უნდა გამოიჩინოს, რადგან როცა თითოეული ხის გარშემო ყალთალი ადგილი კვადრატი კი არა სამკუთხი გინდათ რომ იყოს, მაშინ დარგვაში ადვილად შეიძლება შესცდეთ და ხეხილი არევიტ გამოვიდეს ბაღში დარგული, თუ მანძილი ხიდან ხემდე და რიგიდან რიგამდე წინააღმდეგ არ გქონდათ გამორკვეული და დანიშნული. როდესაც გვინდა გავიგოთ რამოდენა ალაგი უჭირავს თითო ხეს, უნდა რიგებ შუა და ხიდან ხემდე მანძილები გავზომოთ და ერთმანეთზე გადავამრავლოთ. ამნაირად, სულ ერთია რიგები იქნებიან შორი შორს და ხეები კი ახლო-ახლო, თუ რიგები ახლო-ახლო და ხეები თითოეულ რიგზე იდგებიან შორი-შორს.

საზოგადოდ მიღებულია ნაგალა მსხლების შორის 4×4 არშინი მანძილი და დუსენზე ნამყენ ვაშლებისათვის 5×5 არშინი.

ნამყენების არჩევა და დარგვა. დასარგვათ უმჯობესია ერთი წლის ნამყენები გამოვიწეროთ. ერთი წლისანი იაფიც დაჯდება და უფრო ადვილადაც შეეთვისებიან ახალ ადგილს, მაგრები და გამძლეები დაიზრდებიან. ნაგალა ხეხილს ძირი სიმაღლით $1/4$ არშინი მაინც უნდა გავაზღვეინოთ, რადგან ასეთი სიმაღლის ხეხილი მოსავლელად უფრო ადვილი იქნება. ხეხილების დარგვა ჩვენში გიორგობისტივიდან ვიდრე თებერვლის გავლამდე შეიძლება. ამ ხანში რაც ადრე დაირგება, ის სჯობია. დარგვის დროს ნამ-

ყენს გადატეხილი ფესვები უნდა დანით ან მაკრატლით წავაკვეცოთ და დაფრგავთ ისე რომ გადაჭრილი ხედაპირი ფესვისა მიწაში ქვევით იყურებოდეს. დარგულ ნამყენს გარეშემო მიწა კარგა უნდა შემოეტკვანოს და მოიწყას.

გასხვლა. როგორც პირველ წერილში ვსთქვიან*), ნაგალა ხეხილებს გასხვლა პირველ 2—3 წელიწადს სჭირდებათ მხოლოდ, ერთწლოვან ნამყენს ნახევარზე მეტი სიმაღლე უნდა წავაჭრათ, რომ ახალი ღონიერი ყლორტები ამოუვიდეს. მიწიდან $1/4$ არშინის სიმაღლეზე რაც კვირტები ექნება სულ უნდა შევაცალოთ, რომ ძირი გაიკეთოს, გაიმსხვილოს. შემოთა კვირტებიდან ნამყენი გაზაფხულზე 5—6 ყლორტს გამოიტანს, რომელნიც ზაფხულში თავისუფლად დაიზრდებიან; შემოდგომაზე ამ ტოტებს გავსხლავთ ოთხ კვირტზე და ეს არის და ეს, ამათ ამაზე მეტი გასხვლა აღარ დასჭირდებათ. ასეთი გასხვლით ზრდა შეფერხდება და ხეხილი ნაყოფის გამოტანას დაიწყებს. თუ შემდეგში ნიადაგი ძრიელ ნოყიერი აღმოჩნდა და ხეხილმა ხშირი ყლორტები გაიკეთა, რომ არ დაიბუროს, შიგა და შიგ ყლორტებს, რომელიც უფრო სუსტები იქნებიან ან გადახლართული, ძირამდე ავაჭრით ზამთარში.

ნაგალა ხეხილის ბაღში სხვა არაფერი მცენარე უბრალო ბალახიდან მოყოლებული არ შეიძლება გავუშვათ გასაზრდელად. ბუჩქნარ ხეხილს ფესვები დრმათ არ მისდის, ზედაგშივე ეფინება, რის გამო ბალახი ჩვილიც რომ იყოს ცოტა რამე საზრდოს მაინც წაართმევს ხეხილს. ამიტომ ამისთანა ბაღში

*) იხ. „მოსავალი“ № 15, 1909 წ.

თოხი აუღებლივ უნდა მუშაობდეს. ბოსტნეული მცენარის დათესვა და მოყვანა ამისთანა ბაღში, რაღა თქმა უნდა, ყოველად შეუძლებელია.

შემდეგი მოვლა ასეთი ხეხილის ბაღისა რაში უნდა მდგომარეობდეს, ამას მერე მოგახსენებთ.

ვ. ახოშვილი

ვაზის გასხვლა

რისთვის ისხვლება ვაზი. უწინ ვაზს ყოველ წლივ არა სხლავდნენ. მთელი ვაზი თავისი უთვალავი რქებით და ყლორტებით მიშვებულნი იყო ნებაზე, ეკვროდა დიდ ხეებს, მის ტოტებს და თავისუფლად იზრდებოდა.

გურიაში მაგ. ეხლაც ბევრს ვენახს შეხვდებით ხეებზე გაშვებულს.

ესეთ ვაზს დიდი ძალა და გამძლეობა აქვს. ქრილობები მაგრე რიგად არ ჩაგრავს ზრდაში, წვენის მოძრაობაც ძლიერია და ფოთოლიც ძალიან ბევრი ასხია. სწორედ ეს არის მიზეზი რომ ასეთი მოუვლელი, უკულტურო ვაზი ასი წლობით სძლებდა, ძირი ისე უმსხვილდებოდა რომ მორებათ დაიჭრებოდა. ხამაგიეროთ ამისთანა ვაზის თვითოეული ცალკე ტოტი სუსტია, ყურძენი დაბალი ღირსებისაა, რქა არ შემოდის, მზე და სითბო მათში არ მოქმედობს თავისუფლათ, სხვადასხვა გვარი სენი ადვილად ეკიდება, მოსავლელათ ძნელია და ამიტომ ვაზის ასე გაშენება უვარგისად უნდა ჩაითვალოს.

ვაზი ყოველ წლივ უნდა გაისხლას, მეტი რქა უნდა მოშორდეს, რომ ამათი საზრდო-საკვებავი დარჩენილ რქებს გაუნაწილდეს. სხვლა თუმცა ასუსტებს ვაზს—უძნელებს წვენის მოძრაობას, მაგრამ ხამაგიეროთ ნაყოფიერებას ჰმატებს. კარგად გასხლული და მოვლილი ვენახი მოსავალს ყოველ წლივ დაახლოებით ერთნაირს იძლევა. მტევანიც

და მარცვალიც საუკეთესო ღირსებისა არის და ღვინოც კარგი დგება.

გასხვლით, მცნობით და სხვა ოპერაციების ზედგავლენით ადვილათ შეიძლება სრულიად უნაყოფო, მაგრამ ტანით ღონიერი ვაზი მოსავლიანათ ვაქციოთ. გონივრულათ ნასხლავ ვაზის ნაწილები ერთნაირი სისქისა და ღონისა არიან, რადგან ისინი სითბო-სინათლით და სხვა საკვებავებით თანასწორად სარგებლობენ. გარდა ამისა გასხვლით ჩვენ შეგვიძლიან მივცეთ ვაზს ის ფორმა და ტანი, როგორც ადგილობრივ პირობებში უფრო ხელსაყრელი და სასარგებლოა.

გასხვლით ჩვენ ასეც ვსარგებლობთ: როცა ვაზი ძალიან ღონიერია, მეტ სანაყოფე რქას შევარჩენთ და მეტ მოსავალსაც ვიღებთ. მხოლოდ საჭიროა აქაც ზომირება გვახსოვდეს და ძალიან დიდი მოსავლით ვაზი არ დავასუსტოთ.

ვაზის გასხვლის დრო. ვაზის გასხვლა შეიძლება ყოველთვის როცა მას მწვანე ფოთოლი აღარა აქვს, არ იზრდება და დასვენებულია. ყინვის დროს ვაზის გასხვლა არ ვარგა: რქა ადვილათ იმტვრევა და ახალი ქრილობაც ეყინება.

ხანდახან ჩვენში და ზოგან სხვაგანაც, რთველს გაათავებენ თუ არა—სხვლას მიჰყობენ ხელს, ფოთლის გაცვივნას აღარ უცდიან. იმ ადგილებში, სადაც ზამთრობით ვაზს არა მარხავენ,



სჯობია ფოთლის გაცვივნას დაუცადლოთ და მერე გავსხლათ, თუმცა ვაზი არც იმითი დაზარალდება რომ შემოდგომით, ჯერ კიდევ ფოთოლში, გაისხლას. მხოლოდ შერჩენილ რქებს ფოთოლი ძალათ არ უნდა შევაცალოთ.

ვიდრე ვენახს ყინვა არ მოხვდება, მანამ ფოთოლი სულ არ გასცივია, სხვლას არ უნდა შეუდგეთ ხოლმე და ამისი მოცდა კი ხშირად მევენახესათვის მოუხერხებელია.

ჯერ ვენახი უნდა გაისხლას და მერმე დაიბაროს, ჭიგო შეიზიდოს შიგ და სხვ.

შემოდგომითვე და ზამთრის პირზე შემუშავებული ვენახი სჯობია გაზაფხულზედ შემუშავებულს. ისეთ ადგილებში კი სადაც გაზაფხული ცივი და თრთვილიანი იცის, უმჯობესია ვენახი გაზაფხულზედ გავსხლათ, რადგან შემოდგომაზედ გასხლული ვაზი ადრე გამოიწვეს და თუ ნორჩი ყლორტი დაითრთვილა, მოსავალი განახევრდება.

ყოველ შემთხვევაში ის ვაზი, ესე იგი ადრეულა ჯიში, რომელიც გაზაფხულზედ ადრე იღვიძებს, გვიან უნდა გავსხლათ და დანარჩენი ჯიშის ვაზები კი მთელი ზამთრის განმავლობაშიაც გაისხვლება.

პირველი წელიწადი. თავდაპირველად მინდა მოვაგონო მკითხველს, რომ დიდი შეცდომა იქნება ჩვენში რომ ვინმემ ვენახი უმყენი გააშენოს. დღეს არა ხვალ ფილოქსერა უთუოდ ეწვევა იმ ადგილებსაც, სადაც ის ჯერ არ არის და მთელი შრომა და ხარჯი, რაც უმყენი ვაზის გაშენებაზედ იქნება გაწეული, სრულიად დაიკარგება.

ნამყენი ვაზი უფრო ხშირად ერთწლოვანი ირგვება. ნამყენს ის ადგი-

ლი, სადაც ამერიკული და ჩვენებური ვაზია შედუღებულ-შეხორცებული, მიწის პირად უნდა იყოს და არა ღრმათ ჩაიფლას მიწაში. ჩვენებური ჯიშის რქაორ კვირტზედ უნდა გაისხლას და ამ პატარა ნექს ფხვიერი მიწა ან წმინდა ლამი მიეყაროს რომ დაიფაროს. ეს იმიტომია საქირო რომ ქარმა და სიციხემ ნამყენი ადგილი არ გამოაშროს, არ გაახმოს.

მიწა რომ გაზაფხულზე გაფუვდება დარგული ვაზი ახალ ფესვებს გაიკეთებს, ის ორი კვირტიც გაიღვიძებს და ზედ წაყრილი მიწიდან ამოძვრება ორი ნორჩი ყლორტი.

რაკი ეს ყლორტები მიწას ამოსცილებიან და ზურგს მოიმაგრებენ, შემოყრილ მიწას შემოვაცლით ნამყენს და დავათვალიერებთ: თუ ჩვენებურ რქაზედ ფესვები გამოსულან, ფრთხილათ შევაცლით მჭრელი დანით. შესაძლებელია აგრეთვე მძინარე კვირტებმაც გაიღვიძონ, მაგრამ ჩვენ ორი ყლორტის მეტი მაინც არ უნდა შევარჩინოთ. თუ ვინიცობაა ძირის ვაზმა, ესე იგი უჯიშო ამერიკულმაც ბლარტები აუშვა ისინიც უსათუოთ უნდა შევაცქრათ. შემდეგ ამისა ხელმეორეთ შემოვაციოთ მიწას. გაზაფხულისა და ზაფხულის განმავლობაში ამგვართ ორჯერ-სამჯერ ვინახულვებთ ვაზს. რაკი ორ ყლორტს ძირი გაუმაგრდებათ, ერთს მათგანს, უფრო სუსტს, მოვაცლით და მარტო ერთს დავტოვებთ. ერთის დატოვება თავიდანვე შეგვეძლო, მაგრამ საშიში იყო, ვაი თუ გამაგრებამდე ქარისაგან ან სხვა მიზეზით მოსტყებოდა შერჩენილი ყლორტიც და მაშინ მთელი ერთი წელიწადი დაიკარგებოდა.

ახლა მთელი ჩვენი ყურადღება ამ ერთ ყლორტს უნდა მიექცეს: გავთოხ-



ნით თავის დროზედ, ვუწამლებთ რომ სენმა არ დაჩაგროს, ნამხრევს შევაცლით და ასე ამგვარად გავზრდით ერთს მაგრამ ძლიერ რქას.

შემოდგომაზედ ახალშენში ყველა ვაზზე თითო ღონიერი რქა გვექნება. ამით გათავდება პირველი წლის მოვლა.

მეორე წელიწადი. თუ სადმე ვაზი აკლია ახალშენში უნდა შევავსოთ, ახალი დავრგათ. გასხვლა შემოდგომაზედ და ზამთარშიაც შეიძლება, მაგრამ

გაზაფხულზედ კი სჯობია. ახლაც ამ ერთ რქას ორ კვირტზედ გავსხლავთ. მიწის შემოყრა აღარ იქნება საჭირო. ორ ყლორტს მთელი წლით შევარჩენთ და კარგი მოვლით ღონიერ რქებათ დაიზრდებიან. საჭიროა ნამყენს თვალი ვადევნოთ: ჩვენებურმა ვაზმა მიწაში ძირი არ გამოიტანოს, ამერიკულს არ მოშორდეს და ფილოქსერის მსხვერპლი არ გახდეს. კარგი იქნება თუ მეორე წელიწადს ვაზს ჭივოს შევეუდგამთ.

ს. ხუნდაძე

გლეხთა ამხანაგობა ფინლიანდიაში

ფინლიანდია რუსეთს აკრავს გვერდით. ეს ქვეყანა როგორადაც რუსეთი მეტი წილი მუშა ხალხით არის დასახლებული. მე არ გამოუდგები ფინლიანდიის ვრცლად აღწერას, ვიტყვი მხოლოდ იმას რომ ეს ქვეყანა მეტად ღარიბია ბუნებით. იქაური მწირი ქვიშნარი მიწები მოდებულნი კლდეების ვეებერთელა ნამზღვრევებით, ჩვეულებრივი სუსხიანი ზამთარი, დაუშრობელი ტბა-ქაობები და ამის მიზეზით აუტანელი ჰავა, აი ფინლიანდიის ნამდვილი სურათი. ახლა თქვენც ადვილად წარმოიდგენთ, რომ თუ არ შრომაში ნაწრთობი, სხვა უამისო ხალხი დიდხანს ვერ გაუძლებდა ფინლიანდიის უმადლო ბუნებას, ფინები კი, რომლებიც უხსოვარ დროიდანვე შეჭნიზნიან ამ ღარიბ ქვეყანას, დღეს აქ ჩინებულად გრძნობენ თავიანთ თავს. მათი მოხერხებული და დაუღალავი შრომის წყალობით, ფინლიანდია სამოთხედ არის გადაქცეული. მეურნეობა, ეს უმთავრესი წყარო სიმდიდრისა, მიუხედავად მრავალი ხელშემშლელი პირობებისა ფინებს სამავალითოთა აქეთ მო-

წყობილი. ამისათვის ეს პატარა მხარე დღეს ევროპის მოწინავე ქვეყნებს უდგა მხარში. აქ დღეს ერთ კაცსაც ვერ შეჭხვდებით, რომ წერა-კითხვა არ იცოდეს. მთელი ხალხი გათქმულია თავისი შრომის მოყვარეობით და პატიოსნებით.

მეურნეობის წარმატებას ამ ქვეყანაში დიდათ შეუწყო ხელი კოოპერაციების და გლეხთა ამხანაგობის გავრცელებამ. თუმცა ეს საქმე სულ ახალია ფინლიანდიაში, მაგრამ მკვიდრ ნიადავზედ კია იგი აშენებული

კოოპერატიული მოძრაობა პირველად გლეხებში როდი დაიწყო, არამედ განათლებულმა საზოგადოებამ ჩაუყარა მას საძირკველი. მალე იმათ გლეხებიც შეუერთდნენ და ამნაირად გაიზარხა საქმე. კოოპერაციის თავის ამშლელი და დამფუძნებელი ამავე ქვეყნის შვილი პროფესორი გებგარდი იყო. განათლებული საზოგადოების ცდილობით დაარსებულ იქმნა კოოპერაციის დამხმარე საზოგადოება „პელერვო“ (ფინურ ენაზედ პელერვო ჰნიშნავს ხენა-თესვის ღმერთს), რომელმაც ბოლოს მრავა-



ლი გლეხი და მსხვილი მემამულე მიიზიდა თავისაკენ. საზოგადოებამ მეტად მოხერხებულათ დაიწყო საქმიანობა: იმისი პირველი ცდა ის იყო, რომ ხალხში ნიადაგი მოემზადებინა კოოპერაციებისათვის. ამ მიზნის მისაღწევად საზოგადოება კოოპერაციების შესახებ ჰბეჭდავდა წესდებებს და მრავალ მოკლე დარიგებას. ფინები როგორათაც წერაკითხვის მკოდნე ხალხი გულმოდგინეთ კითხულობდნენ ამ პატარა წიგნაკებს. საზოგადოებავე ჰხსნიდა სკოლებს, მართავდა სახალხო კურსებს, ჰზავნიდა სოფლად ნასწავლ მეურნეებს, რომლებიც დაუღალავად მუშაობდნენ ხალხში.

„პელერვო“-ს უმთავრესი ოცნება იყო: სამშობლო ფინლიანდია როგორმე დაეწინაურებინა და სხვა ქვეყნებს არ ჩამორჩენოდა უკან. მართლაც საზოგადოების გონივრულობა და დაუღალავმა შრომამ უნაყოფოთ არ ჩაიარა, ფინები მალე მიჰხედნენ კოოპერაციის სარგებლობას და საქმეში გამოიყენეს კიდევ. დღეს ამ პატარა ქვეყანაში უკვე 1751 კოოპერატიული საზოგადოებაა დაარსებული.

ფინლიანდიის მიწა შეუფერებელია ხორბლზე მცენარეებისათვის, სამაგიეროთ ფინები სთესავენ სხვა და სხვა ბალახს და მშვენიერ თივას ღებულობენ. მიზეზიც ეს გახლავთ, რომ ამ ქვეყანაში უმთავრესად მეწველი საქონლის მოშენებას მისდევენ. ერბო-კარაქის გაკეთება აქ საზიაროთ ანუ საამხანაგოთ არის მოწყობილი.

ამ ჟამად ფინლიანდიაშია 352 ერბოს გამკეთებელი ამხანაგობაა.

ამ პატარა ქვეყანას 1908 წელს 9,700,000 მან. ერბო გაუსაღებია სა-

მზღვარ გარეთ. ზემოხსენებულ ამხანაგობებს 33,000 წევრი ჰყოლიათ და 216000 სული ძროხა.

კარგი თვისება ფინებისა იმაში გამოიხატება, რომ აქაურ ერბოს გამკეთებელ ამხანაგობაში ყველა იღებს მონაწილეობას განურჩევლად, როგორც მდიდარი ისე 1—3 ძროხის პატრონებიც. ამ ბოლო დროს ფინლიანდიის ერბოს გამკეთებელ ამხანაგობათ შეუკრავთ კავშირი, რომელსაც „ვალიო“ ჰქვია. ამ კავშირის დანიშნულებაა ერბოს სამზღვარ გარედ გატანა და გასაღება, ამნაირად მოხერხებულმა ფინებმა იქაურ ჩაჩებსაც ლაგამი ამოსდეს პირში.

ერბოს გამკეთებელ ამხანაგობების გარდა ამ ქვეყანაში 364 საკრედიტო დაწესებულება არსებობს, რომელთაც ჰყავთ 12,000 წევრი. ფინური საკრედიტო დაწესებულება ასესხებს ფულს, მხოლოდ შემდეგი საჭიროებისათვის: ხელოვნური სასუქების სასყიდლად, სამეურნეო იარაღის და ჯიშისანი საქონლის შესაძენათ, ქაობების გასაშრობათ. სესხი არ აღემატება 40 მან., სარგებელს ღებულობენ $5\frac{1}{2}$ —60%.

ყველაზედ უფრო გავრცელებული დარიგანად დაყენებული ეგრედწოდებული მომხმარებელი საზოგადოებებია ფინლიანდიაში. მათ ეხმარებათ „პელერვო“ და მეორე საზოგადოებაც, სახელად „ცენტრალური მომხმარებელი საზოგადოება“, რომელიც 1904 წ. არის დაარსებული. დღეს ფინლიანდიაში 512 მომხმარებელი საზოგადოებაა, სადაც სულ 100,000 წევრი ითვლება. 1908 წელს ამ ამხანაგობებს გაუყიდნიათ 19 მილ. მანეთის საქონელი, მოგებათ დარჩენიათ 450,000 მა-



ნეთი. ამხანაგობასვე ჰქონია 900,000 მანეთის უძრავი ქონება.

მომხმარებელი საზოგადოება შეტანილ თანხაზედ 60% სარგებელს აძლევს თავის წევრს. დანარჩენი მოგება იყოფა როგორც ამხანაგობის წევრებზედ ისე გარეშე მუშტარზედაც, იმის მიხედვით, თუ ვის რამდენი უფაქრია ამხანაგობის მალაზიიდან მხოლოდ ფულს ხელში არ აძლევენ, არამედ თანხაში უთვლიან, ისე რომ რამოდენიმე წლის უკან გარეშე მუშტარიც ნამდვილი წევრი ხდება ამხანაგობისა.

ფინლიანდიაში ყურადღების ღირსია აგრეთვე ტორფის დამუშავების საქმეც. ტორფი წარმოადგენს ჭაობის მცენარეთა დამიწებულ ძირებს. აი ამ

ტორფს ფინები იღებენ მიწიდან, აშრობენ, ასუფთავებენ და ასე მოამზადებულ მასალას საქონელს უშლიან ფებ ქვეშ.

ამ საქმის საწარმოებლათაც უკვე რამოდენიმე საზოგადოებაა შემდგარი.

ერთი სიტყვით ფინლიანდიაში არაფერი არა რჩება გამოუყენებელი, ჭაობებიდანაც კი ღებულობენ სიმდიდრეს.

ეს პაწაწინა ქვეყანა დღე მუდამ წარმატებაშია. არ აშინებს მას არც იქაური სიცივე, არც ქვა-ლორდიანი მიწა და არც დაუშრობელი ჭაობები. იქაური ხალხი ყველა ამ დაპრკოლებას სძლევს, მკითხველო, თავისი პატიოსნებით, განათლებით და შრომის მოყვარეობით.

გ. ნახუცრიშვილი

შინაური ცხოველების ავადმყოფობა და ექიმობა

ჭრილობები ცხენის ქვევითა ყბის ღრძილზე სალაგმე ადგილას და ტუჩების ყურეებზე

ცხენის ქვევითა ყბაზე, ეშვსა (ანუ ლოჯსა) და პირველ საფქვევ კბილს შუა ტიტველა ღრძილი აქვს, სადაც ლაგამი დევს ხოლმე, როცა ეს უკანასკნელი უკან არაა მიწეული და ტუჩების ყურეებს არ ედება.

ამ ადგილას და ტუჩების ყურეებშია ცხენს ლაგამისაგან ზოგჯერ ჭრილობა ეძლევა ან იმიტომ, რომ ლაგამია ცუდი ან და თვით ცხენსა აქვს ცუდი ჩვეულება: მაგ. ფეთიანია ან ძლიერ გამწევი (გამკრავი) თავისა; ან ისეთი, რომელზედაც იტყვიან ხოლმე: „ლაგამზედაა სულ ჩამოკიდებული“-ო და ან სუსტი ავებულობისა.

ჭრილობა როგორც ღრძილზე ისე ტუჩების ყურეებში, მითაა საყურად-

ღებო, რომ ხშირად გაარჯლება იცის, ზოგჯერ ცხენს ასახირჩრებს. გარდა ამისა ეს ჭრილობები უმეტეს შემთხვევებში ცხენის ცუდს თვისებებს ჰმოწმობენ, ამიტომ ყიდვა-გაყიდვის დროს ცხენის გამშინჯავი ამ ადგილების სიმართელეს უნდა აქცევდეს დიდ ყურადღებას. ეს ადგილები ცხენს ლაგამის გარდა სხვა მიზეზითაც შეიძლება დაუშავდეს.

როდესაც ჭრილობა ცხენს სალაგმე ღრძილზე აქვს, ცხენი შორიდებით სჭამს, საქმელი გარედ უცვივდება, პირიდან მყრალი ნერწყვი გადმოჰდის, ლაგამზე სისხლის ნიშნებია. პირს როგავალებინებთ, დამაავადებელი მიზეზი აშკარადა ჩანს. ზოგიერთ შემთხვევაში ავადმყოფობა იოლად გაივლის. დაშავებული ადგილი წამოწითლდება, შენივდება; ახალგაზრდა ხორცი მალე წა-



მოეზრდება და კრილობაც მალე მოუ-
შუშდება.

ზოგჯერ კი დაავადებული ადგილი
დაწყლულდება, ხორცი თანდათან ჩი-
რქიანდება, იხრწნება, ამოიკმება ზოგ-
ჯერ ყბის ძვლამდის და ახალგაზდა ხორ-
ცი კი არ ამოდის; მერე ყბის ძვალიც
იწყებს ხოლმე ზოგჯერ ხრწნას და აქე-
დან ეს ხრწნილება კბილების ძირებ-
ზედაც გადადის. თუ ლაგამი არ მოა-
შორეს ცხენს, იგი ჩაეჭედება ძვალში
და ზოგჯერ კიდევაც გადუტეხავს ხოლ-
მე ამ ძვალს. ცხენს პირიდან გამოდის
დამპალი მძოვრის სუნნი.

ექიმობა. ლაგამის მაგიერ ცხენს უნდა
აფშარა გაუკეთდეს. მიეცეს სუფთა
და რბილი საკმელი; ახლო უნდა ჰქონ-
დეს სუფთა და ცივი წყალი, რომ მალ-
მალ გამოისველოს პირი და სუფთად
შეინახოს. კრილობაზე თუ ხორცის
ნაკუწებია უნდა ავაჭრათ; თუ ძვალი
ჩაიმსხვრა, მისი ნამსხვრევეებიც ამოვ-
წმინდოთ და მოვბანოთ. მოსაბანად
ვიხმართ:

- 1) ან კარბოლის სიმქავეს (12 წვეთი
1 ჩაის სტაქან წყალში); 2) ან ბორის

სიმქავეს (1 ჩაის კოვზი 1 ჩაის სტაქან
წყალში), 3) ან არაყს.

თუ ეს წამლები ხელთ არა გვაქვს,
კრილობას სუფთა წყლით მოვბანთ და
ზედ დათხვნილ შაქარს, ან ნახშირს
დავაყრით. ახალი ხორცის წამოსაყვა-
ნად საჭიროა მოვეუსვად კრილობაზე:
1) ან იოდის ტინქტურა, 2) ან მურის
ტინქტურა, 3) ან საბურის ტინქტურა;
ან და მოვწვათ ჯოჯოხეთის ქვეთ, ან
სპილენძის შაბიამნით (მოვეუსვამთ პირ-
დაპირ წყალში გაუხსნელს).

თუ ყბის ძვლიდან ლპობამ კბილის
ძირამდე მიადწია, მაშინ კბილი უნდა
ამოვადროთ და მის ბუდეში იოდოფორ-
მაში ამოვანგლილი ბამბა ჩაუტენოთ.

კრილობა ტუჩების ყურეებში უფრო
ადვილი მოსარჩენია, თუ ლაგამი დრო-
ზე მოვაშორეთ ცხენს და კრილობა
სუფთად შევფუნახეთ. ზოგჯერ კი და-
ავადებული ადგილი დაუსივდება ცხენს,
დაუჩირქდება და ჩირქი შიგნით პირ-
ში სდის.

ექიმობა ამ შემთხვევაში იგივე იქნება,
რაც ზევითა ვსთქვით. **გრ. ცხადაძე**

როგორ ზრუნავენ და სარგებლობენ შინაური საქონლით ჩვენში, რუსეთში და სხვაგან

რა მნიშვნელობა აქვს საზოგადოდ
ხალხის ცხოვრებაში შესაბამ, მეწველ
და ყველა სხვა შინაურ საქონელს, ეს
ჩვენმა ხალხმა ევროპელებზე ნაკლებ
როდი იცის. პირიქით ჩვენი სოფლის
კეთილდღეობა უფრო მეტად არის და-
კავშირებული შინაურ საქონელთან.
უხარობას უქონლობა მოსდევს ჩვენში
უფრო ხშირად, ვიდრე სხვაგან. ხოლო
რამოდენა ყურადღებას ვაქცევთ ამ

გარემოებას, რამდენად ვზრუნავთ ში-
ნაურ საქონელზე და როგორ პატივში
გვყავს იგი შედარებით სხვა ქვეყნებ-
თან, ეს კი, მგონია, იშვიათად ვინმემ
იცის.

შინაური საქონელი ჩვენში ძოვნით
იკვებება. სადაც მოსაძოვი არ არის, იქ
მოსახიხნი იქნება. ნაბჯა, შამბი, ნარი,
ეკალი, ნეკერი და სხვა ჩვეულებრივი
საზრდოა ზამთარ-ზაფხულ ჩვენი საქო-



ნლისა, რომელსაც კარგი რბილი თივა გოზინაყვით მცირედ ხანს გაჰყვება ხოლმე. ზოგთათვის, თუ ზოგადობას გამოუდგებთ, თივა თვალთ დასანახავათაც არ არის.

რაც შეეხება დათესვით მოყვანილ საზრდოს საქონლისას: სამყურა, იონჯა, ქარხალი და სხვა ძირნაყოფიან მცენარეებს, ამაზე ხომ ლაპარაკიც არა ღირს. ზოგს სოფლად არც კი გაუგონია, რომ საქონლის ამ საზრდოთათვის იგივე ხენა-თესვაა საქირო.

სად რამდენად ჰყავთ შინაური საქონელი საძოვრებზე დანაბრებული და როგორ ასაზრდოებენ მას, შემდეგიდანა სჩანს.

მთელი დასამუშავებლად გამოსადეგი მიწებიდან სათიბები და ყორულები შეადგენენ: *)

საფრანგეთში	18,80/0
ბელგიაში	20,9 "
გერმანიაში	24,6 "
იტალიაში	26,9 "
ჩრდ. ამერ. შტატ.	28,0 "
დანიაში	35,0 "
რუსეთში	3,77 "

ამგვარად ყველა ჩამოთვლილ სახელმწიფოებში რუსეთი თითქო უფრო მეტ გულშემატკივრობას იჩენს საქონლისადმი, რადგან მეტი ადგილი შეუნახავს საქონლის საზრდოს მოსაყვანად. ხოლო რამდენად კულტურულია ეს მეტი მითამბა ზრუნვა შემდეგიდანა სჩანს.

1890 წლიდან მოყოლებული აქნობამდე რუსეთი ყოველწლივ თითო დესეტინაზე საშუალოდ 77 ფუთ თივას იღებს:

იტალია	127	ფუთს
დანია	177	"
საფრანგეთი	182	"
ბელგია	197	"
გერმანია	205	"
ჩრდ. ამ. შტ.	235	"

ამგვარად, ამ ჩამოთვლილ ქვეყნებში საქონლისათვის ზოგან 2 1/2 ჯერ, ზოგან 3 1/2 ჯერ მეტი საზრდო უღიათ დესეტინიდან, ვიდრე რუსეთში.

რუსეთის მთელი წლის თივას—1984 მილიონ ფუთს საშუალოდ, რომ სამი მილიარდი ფუთი ქეჩეგ-ფუჩეგი და ნამჯა, რაც სინოყვირით 1360 მილიონ ფუთ თივას უდრის, მიეუმატოთ, გამოვა რომ რუსეთში საქონლისათვის საკვებავი წლის სარჩო ყოფილა 3344 მილიონი ფუთი, რაც თითოეულ სულ ადამიანზე სახელმწიფოში შეადგენს 36,6 ფუთს.

სხვა სახელმწიფოებში კი თითო სულ ადამიანზე საქონლის სარჩო ამავე ანგარიშით მოდის:

იტალიაში	40,5	ფუთი
გერმანიაში	44,7	"
ბელგიაში	57,7	"
საფრანგეთში	70,8	"
დანიაში	85,6	"
ჩრდ. ამ. შ. შტ.	398,0	"

მაშ თითო ადამიანს ამ ქვეყნებში შინაური საქონლის გამოსაკვებათ ჰქონია ზოგან ერთი მესამედით მეტი, ხოლო ზოგან კი 10 ჯერაც მეტი, ვიდრე რუსეთში.

ამით უნდა ავხსნათ ის გარემოება, რომ რუსეთის 50 გუბერნიაში თითო 1000 სულ მცხოვრებელს მხოლოდ 173 ცხენი ჰყავს, როდესაც რომ ამერიკაში იმოდენავე მცხოვრებლებს ჰყო-

*) „Кр. 3.“



ლიათ 273 ცხენი, კანადაში—304 და სხვა.

მართალია, ევროპიელ სახელმწიფოებში რუსეთთან შედარებით უფრო ნაკლები ცხენი ითვლება, მაგრამ ეს იმიტომ რომ იქ უფრო მეტი ხალხი ქალაქებში სცხოვრობს, სადაც ცხენი ისეთ საქიროებას არ შეადგენს, როგორც სოფლადა.

რქიანი მსხვილფეხა საქონელი 1000 მცხოვრებელზე ითვლება:

რუსეთში	252	ცალი
გერმანიაში	344	„
ავსტრიაში	346	„
შვეციაში	516	„
ფინლიანდიაში	560	„
დანიაში	771	„
ჩრდ. ამერ.	840	„
ავსტრალიაში	2886	„

ცხვარი იგივე 1000 მცხოვრებელს ჰყავთ:

ბელგიაში	103	თავი
ავსტრიაში	175	„
გერმანიაში	328	„
რუსეთში	406	„
საფრანგეთში	539	„
დანიაში	552	„
ჩრდ. ამერ.	689	„
ნორვეგიაში	844	„
არგენტინაში	16714	„
ავსტრალიაში	25520	„

ლორი იგივე 1000 მცხოვრებელზე მოდის:

იტალიაში	60	სული
რუსეთში	94	„
ავსტრიაში	148	„
შვეციაში	161	„

საფრანგეთში	194	„
ავსტრალიაში	228	„
გერმანიაში	234	„
დანიაში	377	„
სერბიაში	388	„
ჩრ. ამ. შ. შტ.	803	„

რუსეთში 1898 წელს აქეთ 10 წელიწადში ცხენების რიცხვი ყოველწლივ კლებულობს 0,90/0, თითო რუსული ცხენი წონით საშუალოდ არის 18 ფუთი. მსხვილფეხა რქიან საქონელს ყოველწლივ რუსეთში აკლდება 0,980/0, 1882 წელს აქეთ სულ 150/0 დაუკლია ამ საქონელს; ცხვარს აკლდება წელიწადში 1,130/0, ღორს — 0,10/0.

სხვა სახელმწიფოებში კი იმავე დროს ცხენების რიცხვი ყოველ წლივ მატულობდა და წონითაც თითოეული ცხენი 28—48 ფუთამდე იწონიდა.

ხუთ წელიწადში 1892—1896 წ.წ. რუსეთიდან სამზღვარ გარედ გასულა სულიერი შინაური საქონელი საქონლის ნაწარმოებიანად ერთად, ესე იგი ყველი, ერბო, მატყლი და სხვა, სულ 41,9 მილიონი მანეთისა. თვით რუსეთში კი სამზღვარგარეთიდან იგივე საქონელი შემოსულა 52,5 მილიონი მანეთისა.

ამგვარად კოქლობა ყველაფერში გვეტყობა, თუმცა იქნება მუშაობაში არა ნაკლებ ვწვალობთ. ერთი წამალთაგანი კი სამეურნეო სწავლავანათლებლაშია, რომელსაც სამწუხაროდ მაგრე რიგად ჯერაც არა ვწყალობთ.

ვ. გულბათიშვილი



საეურნალო ცნობები

კითხვა: მე მაქვს ქუთაისის მაზრაში 4—8 წლის დარგული ნამყენი ვენახი გადარუნებულ მიწაზე. ნიადაგი მისი არის ცოტათი ფერდობი, მოყვითალო ხოფარევი (ქვა-გუნდა). ძალზედ გამოფიტულია. რადგან საქონლის პატივი (ნეხვი) არ იშოვება, მსურს მისი განოყიერება ხელოვნურათ. ამისათვის უმორჩილესად გთხოვთ ფრიად საჭირო რჩევას და დარიგებას, თქვენი პატივცემული ჟურნალი „მოსავლის“ საშუალებით. რა და რა ნივთიერება იქნება საჭირო და რამდენ რამდენია საკმარისი, დაახლოებით, **ას** ოთხ-კუთხ სატენზედ. სად და ვისთან შემოიძლიან შევიძინო ხელმისაწვდენ ფასად.

პატივისცემით ხელის-მომწერი „მოსავლისა“
ნ. ბ. კეთილაძე

პასუხი: ტომასშლაკი... .1^{1/2} ფუთი კალინარევი (ქლორის-კალი) სასუქი.^{3/4} ფუთი

რამდენი ღირს, სად შეიძლება იყიდოთ და როგორ უნდა იხმართ, ამაზე დაწვრილებით იხ. წარსული წლის „მოსავალი“ № № 9—13.

რედ.

„მუხლუხოს“ ფესახეზ. ჩემს წერილში (შინაური ცხ. ავადმყ. და ექიმობა) ნახმარი სიტყვა — „მუხლუხო“ რედაქციას შეცდომით განუმარტავს: „გულაფშუტას გამკეთებელი ჭია“—ო.

„გულაფშუტას“ სოკოს უწოდებენ მთელ იმერეთში და ლეჩხუმშიაც. ამავე სოკოს მეორე სახელი აქვს: „მცუნა სოკო“. ეს სოკო თეთრი ფერისაა, რგვალია ბურთივით, თით-

ქმის უღერო, ბარში იზრდება თხილის ან კაკლის ოდენა, ხოლო მთებში ვაშლის ოდენა. როცა დამწიფდება, ქვარტლის ფერი შეიქნება, კანი გაუთხელდება და გაუხმება, გულში ხორცი გაუმტვერდება, მტვერთან შიგნით ჰაერიც არის გამომწყვდელი. სოკო გულდასავით არის გაბერილი. ხელი რომ მოუჭიროთ, გასქდება, მტვერი და ჰაერი გამოვა და სოკო დაიფშუტება. აქედან ამ სოკოს მიუღია სახელი „გულაფშუტა“ და „მცუნა სოკო“. ამ სოკოს მტვერს იმერეთში მოჭრილის წამლათ ხმარობენ.

ესლა მუხლუხოებზე მოგახსენებთ.

მუხლუხოები ბუსუსებიანი ჭიებია, ღვინის ანუ ქვარტლის ფერისა. ზუგზე შავი ან ლურჯი ზოლები გადაყვებათ (კანის გამოცვლასედა დამოკიდებული). ეტანებიან უმეტესად ხის ფოთლებს. იზრდებიან აბრეშუმის ჭიაზე უმსხოსი და უგრძესი. როცა მომწიფდებიან, დაყვითლდებიან (ასეთს ჭიებს ჩვენში „ბაზი ჭია“—ო, ეტყვიან). ხადან ჩამოდიან და სადმე მშრალ და დაბალ ადგილას (ღობებში) აკეთებენ პარკებს. ამ პარკებს ჩვენში „ძილაგულას“ ვეძახით. მიხაკის ფერისაა, მაგარი, აბრეშუმის პარკზე უფრო მეტი (უთუად ამის მაგიერ იხმარა რედაქციამ „გულაფშუტა“). ამ პარკიდან გამოდის „ხატი პეპელა“. „ხატი პეპელა“ ჩვენში ყველა პეპლებზე უდიდესია, დიდი ფრთები აქვს, მოხატული თეთრი და შავი წერტილებით, თვით პეპელა მიხაკის ფერისაა. „ძილაგულას“ შესახებ ჩვენში, სოფლებში, ცრუმორწმუნოებაა: თუ ის მიძინარეს თავ ქვეშ შეუღვევით, ძილი დაიმორჩილებს და დიდხანს ვერ გამოიღვიძებსო. პატარა შეგირდ ბი იმერეთში მასწავლებელსაც ჩააპარებენ ხოლმე პალტოს ჯიბეში, რომ შეტი იძინოს შინ და გაკვეთილებზე გვიან მობრძანდესო. ქუთაისის პირველ სამეურნეო გამოფენაზე ერთს მებრეშუმეს „ძილა გულასაგან“ ძაფი ჰქონდა ამოღებული და გამოფენილი სანიმუშოდ. ძაფი აბრეშუმივით ხვასხვასა პრწყინვალე ფერისა



იყო, მაგრამ აბრეშუმით ნაზი არ იყო, ხელში მოუხვეწელი იყო უფრო. ამნაირად სიტყვა „მუხლუხა“, „ძილაგუდა“ და „გუდაფშუტა“ ყველასათვის ადვილი

გასაგებია იმერეთში და ლეჩხუმისაკენ, ხოლო დანარჩენ ადგილებში როგორ ესმით არ ვიცი.

გ. ცხადაძე

განცხადებანი

სამეურნეო, შურნალი

მოსავალი

ერთ წიგნად **ჟდა-კაჯიშული** ჟურნალის ყველა 15 ნომერი აქამდე გამოცემული მსურველთ დაეთმობათ იმავე **2 მანეთში**, რამდენიც წლის დამლევამდე ღირდა ჟურნალი.

მოსავლის რიდაქსიაში იყიდება შემდეგი მართული წიგნები:

- ვ. ი. რცხილაძე** კრებული არითმეტიკული ამოცანებისა (შეორე ნაწილი) 50 კ.
- იმიხივე** (თარგმანი) ქიმია პრ. როსკო-სი (შეორე გამოცემა) 30 კ.
- იმჩივე** საზოგადოებრივი ცხოვრების წარსულიდან რ შვეიცარიის ძირითადი კანონები 25 კ.

(ამ გამოცემის წმინდა შემოსავალი ტფილისის სასახლე უნივერსიტეტის სასარგებლოდ არის დანაშნული).

ამერიკული ვაჭის სანაჩბე კლბ-მგურული ქ. ქუთაისში

სანერგე მდიდარია ყოველნაირი ჯიშის ვაჭებით და ამ მხრივ პირველი ადგილი უჭირავს მთელს რუსეთში.

მსურველთ გაეკზავნებათ პრეისკურანტი და განმარტებანი უფასოთ.

ყოველდღიური საბოლიტიკო და სალიტერატურო განტეი

წელიწადი **წრთება** წელიწადი მესამე მესამე

1910 წ. გაზეთი გამოვა იმავე პრეგრამით როგორც წინა წლებში გამოდიოდა. ყოველ დღიურ გამოცემის გარდა გაზეთს ექნება კვირაობით

სურათებიანი დამატება

გაზეთის ფასი დამატებიანათ: წლით როგორც ქალაქში ისე ქალაქ გარედ ღირს 8 მან. 50 კ., ნახევარი წლით—4 მ. 80 კ., ერთი თვით—80 კ.

ცალკე ნომერი ერთი შაური, დამატებიანი ნომერი (კვირისა) შვიდი კაპეიკი.

ადრესის გამოსაცვლელი ფასი 40 კაპ.

1910 წლიურ ხელის მომწერთ დაურიგდებათ **კედლის კალენდარი 1910 წლისა.**

სამეურნეო, შურნალი

მოსავალი

წელიწადი მეორე

მიიღება ხელისმოწერა 1910 წლისათვის. ჟურნალი გამოვა იმავე პრეგრამით. რედაქცია პპირდება თავის ხელის-მომწერლებს რჩეულ მცენარეების საუკეთესო თესლის გაგზავნას უფასოდ.

თუ შესძლებს რედაქცია, ჟურნალის ხელისმომწერლებს წლის დამლევს გაგზავნის აგრედვე უფასოდ თითო წიგნს—**ბროშურას** მეურნეობის რომელიმე დარგიდან.

რედაქციის ადრესი: Тифлисть, Барятинская, 5. Редакция «МОСАВАЛИ».

რედაქცია-გამომცემელი ვ. ი. რცხილაძე